



天津交通銀行同人俱樂部圖書室

王文公文鈔引



王荆公湛深之識幽渺之思大較益本
之古六藝之旨而於其中別自爲調鑱
刻萬物鼓鑄羣情以成一家之言者也
其尤最者上仁宗皇帝書與神宗本朝
百年無事諸劄子可謂王佐之才此所
以於仁廟之鎮靜博大猶未能入而至

王文引

一

於熙寧元豐之間劫主上而固魚水之
交譬則武丁之於傳說孔明之於昭烈
不是過已惜也公之學問本之好古者
多而其措注當時亦徃於泥古爲患況
以矯拂之行而兼之以獨見以執拘之
資而恣之以私臆所以呂章邢蔡以下
紛紛附會熒惑天子流毒四海新法旣

壞并其文學知而好之者半而厭而訾
之者亦半矣以予觀之荆公之雄不如
韓逸不如歐飄岩疎爽不如蘇氏父子
兄弟而匠心所注意在言外神在象先
如入幽林邃谷而杳然洞天恐亦古來
所罕者予每讀其碑誌墓銘及他書所
指次世之名臣碩卿賢人志士一言之

王文引

二

予一字之奪金從神解中點綴風刺翻
翩乎凌風之翻矣於史漢外別爲三昧
也予首錄其上仁宗皇帝書一首次及
劄子疏狀七首表啓三十六首與友人
書三十五首序十二首記二十二首論
原說解雜著二十五首碑狀墓誌銘表
及祭文七十三首釐爲一十六卷歸安

麗門茅坤題

王安石字介甫臨川人父益都官員外郎安石少好讀書一過目終身不忘屬文動筆如飛見者皆服其

精妙友生曾輩携以示歐陽脩脩為延譽登進士上

第簽書淮南判官舊制秩滿許獻文求試館職安石

獨否再調知鄞縣起堤堰決陂塘為水陸之利貧穀

由直惠以償無新法為世人所之是知各其文

李博為相薦安石居思南召以辭職不就脩薦為諫官

以祖母年高辭脩以其須祿養安石於朝用為羣牧判

王文川

三

予一字之奪館從神解中點綴風刺翻

翻乎凌風之商疾於漢外別為三昧

也予首錄其上仁宗皇帝書一首次及

劄子疏狀七首表啓三十六首與友人

書三十五首序十二首記二十二首論

原說解雜著二十五首碑狀墓誌銘表

賦詩表帖韻三首釐為一十六卷歸安

王文公本傳

王安石字介甫臨川人父益都官員外郎安石少好讀書一過目終身不忘屬文動筆如飛見者皆服其精妙友生曾輩携以示歐陽脩脩爲延譽登進士上第簽書淮南判官舊制秩滿許獻文求試館職安石獨否再調知鄞縣起堤堰決陂塘爲水陸之利貸穀與民立息以償俾新陳相易邑人便之通判舒州文彥博爲相薦其恬退尋召試館職不就脩薦爲諫官以祖母年高辭脩以其須祿養言於朝用爲羣牧判

王文

本傳

一

官請知常州移提點江東刑獄入爲度支判官時嘉祐三年也安石果於自用慨然有矯世變俗之志乃上萬言書後安石當國其所注措大抵皆祖此書俄直集賢院先是安石屢辭館閣之命士大夫謂其無意於世恨不識其面朝廷每欲畀以美官惟患其不就也明年同脩起居注疏辭至八九乃受遂知制誥糾察在京刑獄自是不復辭官矣有少年得鬪鶉其儕求之不與恃與之昵輒持去少年追殺之開封當此人死安石駭曰不與而持去是盜也追而殺之是

捕盜也遂劾府司失入事下審刑大理皆以府斷爲是詔放安石罪安石不謝御史舉奏之帝亦不問以母憂去終英宗世召不起安石本楚士未知名于中朝以韓呂二族爲巨室欲藉以取重乃深與韓絳絳第維及呂公著交三人更稱揚之名始盛神宗在穎邨維爲記室每講說見稱輒曰此維之友王安石之說也及爲太子庶子又薦自代帝由是想見其人甫卽位命知江寧府數月召爲翰林學士兼侍講熙寧元年造朝帝問爲治所先對曰擇術爲先帝曰唐太

王

文
本傳

二

宗何如曰陛下當法堯舜何以太宗爲帝曰卿可謂責難於君一日講席羣臣退帝留安石坐曰有欲與卿從容論議者因言唐太宗必得魏徵劉備必得諸葛亮然後可以有爲二子誠不世出之人也安石曰陛下誠能爲堯舜則必有臯夔稷禹誠能爲高宗則必有傅說彼二子者何足道哉二年拜參知政事帝謂曰人皆不能知卿以爲但知經術不曉世務安石對曰經術正所以經世務爾帝問卿施設何先安石曰變風俗立法度最方今所急也於是設制置三司

條例司命與樞密陳升之同領之安石令其黨呂惠卿任其事而農田水利青苗均輸保甲免後市易保馬方田諸役相繼並興號爲新法遣提舉官四十餘輩頒行天下青苗法者以常平糴本散與人戶出息二分春散秋歛均輸法者以發運之職改爲均輸假以錢貨凡上供之物皆得徙貴就賤用近易遠預知在京倉庫所當辦者得以便宜蓄買保甲之法籍民二丁取一十家爲保保丁授以弓弩教之戰陣免後之法據家貲高下出錢雇役單丁女戶原無後者一

王文

八本傳

二二

槩輸錢謂之助後市易之法聽人賒貸縣官財貨出息二分過期不輸者加罰錢保馬之法凡五路義保願養馬者戶一匹以監牧見馬給之或官與其直使自市歲一閱其肥瘠死病者補償方田之法以東西南北若干步爲一方歲計量其地驗其肥瘠定其色號分五等以定稅數又有免行錢者約京師百物諸行利入厚薄皆令納錢與免行戶祇應自是四方爭言農田水利古敗廢堰悉務興復又令民封狀增價以買坊塲又增茶鹽之額又設措置河北糴使司廣

積糧穀于臨流州縣以備饋運由是賦歛愈重天下
騷然云云帝亦疑之遂罷爲觀文殿大學士知江陵
府自禮部侍郎起九轉爲吏部尚書始呂惠卿遭喪
去安石未知所托得曾布信任之亞于惠卿及惠卿
服闋安石朝夕汲引至是白爲參知政事安石之再
相也屢謝病求去及雋死尤悲傷不堪請益力帝益
厭之罷爲鎮南軍節度使同平章事判江寧府明年
改集禧觀使封舒國公元豐三年復拜左僕射觀文
殿大學士換特進改封荆哲宗立加司空未幾卒年

王文

本傳

四

六十八贈太傅紹聖中諡曰文配享神宗崇寧中配
食孔廟列顏孟之次追封舒王楊時言於欽宗降從
祀高宗復停宗廟配享削王封理宗復停孔廟從祀

蘇軾云云帝亦疑之遂罷爲觀文殿大學士知江陵
府自禮部侍郎起九轉爲吏部尚書始呂惠卿遭喪
去安石未知所托得曾布信任之亞于惠卿及惠卿
服闋安石朝夕汲引至是白爲參知政事安石之再
相也屢謝病求去及雋死尤悲傷不堪請益力帝益
厭之罷爲鎮南軍節度使同平章事判江寧府明年
改集禧觀使封舒國公元豐三年復拜左僕射觀文
殿大學士換特進改封荆哲宗立加司空未幾卒年

宋大家王文公文抄目錄

第一卷

上書一首

上仁宗皇帝言事書

第二卷

劄子疏狀共七首

上本朝百年無事劄子

上五事劄子

論館職劄子

王文

目錄

相度牧馬所舉薛向劄子

進戒疏

上時政疏

辭集賢校理狀

第三卷

表啓共三十六首

除叅知政事謝表

除平章事監修國史謝表

觀文殿學士知江寧府謝上表

除平章事昭文館大學士謝表

辭免使相判江寧府表

朱炎傳聖旨令視府事謝表

差第安上傳旨令授勅命不須辭免表

賀南郊禮畢肆赦表

賀正表

賜生日禮物謝表

甘師顏傳宣撫問并賜藥謝表

李舜舉賜詔書藥物謝表

王文

目錄

二

中使撫問謝表

中使宣醫謝表

請皇帝御正殿復常膳表一

請皇帝御正殿復常膳表二

乞罷政事表一

乞罷政事表二

乞出表一

乞出表二

乞退表一

乞退表二

乞退表三

乞宮觀表一

乞宮觀表二

乞宮觀表三

手詔令視事謝表

詔以所居園屋爲僧寺及賜寺額謝表

依所乞私田充蔣山太平興國寺常住謝表

百寮賀復熙河路表

王文

八目錄

三

除虜正言待制謝表

進字說表

除知制誥謝表

除翰林學士謝表

賀韓魏公啓

上杭州范資政啓

第四卷

書十五首

上相府書

上執政書

上曾參政書

・ 頤 送

上杜學士書

上杜學士言開河書

上郎侍郎書

上田正言書

上田正言第二書

上孫司諫書

上凌屯田書

王文

目錄

四

上人書

與參政王禹玉書

與馬運判書

與王子醇書

上御學士書

第五卷

書一十首

與王深甫書

與王逢原書

與趙高書

與祖擇之書

請杜醇先生入學書

再請杜醇先生入學書

答曾公立書

答司馬諫議書

答孫元規書

答曾子固書

答李資深書

三

目錄

答王深甫書

答李秀才書

答韶州張殿丞書

答徐絳書

答段縫書

答楊忱書

答張幾書

答錢公輔學士書

答陳杞書

五

第六卷

序十二首

周禮義序

書義序

詩義序

熙寧字說序

老杜詩後集序

靈谷詩序

石仲卿字序

王文

目錄

送李著作官高郵序

送陳興之序

送陳升之序

送胡叔才序

送孫正之序

第七卷

記九首

虔州學記

繁昌縣學記

海鹽縣學記

度支副使廳壁題名記

撫州通判廳見山閣記

桂州新城記

信州興造記

餘姚縣海塘記

通州海門興利記

第八卷

記十三首

王文

目錄

揚州新園亭記

芝閣記

君子齋記

石門亭記

鄞縣經遊記

遊褒禪山記

撫州祥符觀三清殿記

揚州龍興講院記

真州長蘆寺經藏記

大中祥符觀新修九曜閣記

撫州招僊觀記

廬山文殊像現瑞記

漣水軍淳化院經藏記

第九卷

論十首

周公論

伯夷論

三聖人論

王文

八目錄

季子論

子貢論

莊周論上

莊周論下

九卦論

禮論

禮樂論

第十卷

論原說解雜著共十五首

謨官論士賦詩散軍賦車戰人賦並耶

材論八首

原過

原教

性說

進說

復讐解

同學別子固

書李文公集後

王文

目錄

讀江南錄

讀孔子世家

讀孟嘗君傳

讀刺客傳

讀柳宗元傳

書洪範傳後

第十一卷

碑狀共八首

翰林學士知許州軍州事梅公神道碑

司農卿分司南京陳公神道碑

虞部郎中贈衛尉卿李公神道碑

廣西轉運使孫公墓誌銘

伍子胥廟碑

兵部知制誥謝公行狀

彰武軍節度使侍中曹穆公行狀

魯國公贈太尉中書令王公行狀

第十二卷

墓誌銘九首

王文

目錄

十

給事中孔公墓誌銘

太子太傅田公墓誌銘

大理丞楊君墓誌銘

秘閣校理丁君墓誌銘

廣西轉運使蘇君墓誌銘

比部陳君墓誌銘

朝奉郎國子博士知常州李公墓誌銘

太常博士曾公墓誌銘

內翰沈公墓誌銘

第十三卷

墓誌銘十一首

戶部郎中贈諫議大夫曾公墓誌銘

秘書丞謝師宰墓誌銘

兵部員外郎馬君墓誌銘

主客郎中知興元王公墓誌銘

虞部郎中晁君墓誌銘

屯田員外郎邵君墓誌銘

度支郎中葛公墓誌銘

王文

目錄

十一

尚書祠部郎中集賢殿修撰蕭君墓誌銘

左班殿直楊君墓誌銘

右領軍衛將軍致仕王君墓誌銘

內殿崇班錢君墓碣

第十四卷

墓誌銘十五首

荆湖北路轉路判官尚書屯田郎中劉君墓

誌銘

尚書屯田員外郎仲君墓誌銘

京東提點刑獄陸君墓誌銘

節度推官陳君墓誌銘

泰州海陵縣主簿許君墓誌銘

葛興祖墓誌銘

臨川吳子善墓誌銘

胡君墓誌銘

王深甫墓誌銘

王逢原墓誌銘

金谿吳君墓誌銘

王文
目錄

十一

馬漢臣墓誌銘

吳處士墓誌銘

孔處士墓誌銘

建安章君墓誌銘

第十五卷 吳子善墓誌銘

墓誌銘十四首

尚書都官員外郎侍御史王公墓碣銘

贈尚書刑部侍郎王公墓誌銘

贈光祿少卿趙君墓誌銘

王平甫墓誌銘

亡兄王常甫墓誌銘

王補之墓誌銘

臨川王君墓誌銘

曾公夫人萬年太君黃氏墓誌銘

墓 僊居縣太君魏氏墓誌銘

第十 高陽郡君齊氏墓誌銘

建陽陳夫人墓誌銘

永嘉縣君陳氏墓誌銘

王文

目錄

十三

鄭公夫人李氏墓誌銘

僊源縣太君夏侯氏墓碣

第十六卷

墓表祭文共十六首墓誌銘

太常博士鄭君墓表黃氏墓誌銘

寶文閣待制常公墓表

建昌王君墓表

貴池主簿沈君墓表

處士征君墓表

宋大... 鄱陽李夫人墓表

祭范潁州文

祭周幾道文

祭曾博士易古文

祭李省副文 壽册

祭高師雄主簿文

祭丁元珍學士文

祭歐陽公文

祭張安國檢正文

三才

目錄

一頁

祭束向原道文

祭王回深甫文

祭丁元金學士文

祭高師雄主簿文

祭李省副文 壽册

祭曾博士易古文 墓表

祭周幾道文 表

祭范潁州文 君墓表

祭李夫人墓表

歸安鹿... 弟坤... 評

宋大家王文公文抄卷之一

歸安鹿門茅坤批評

其中幸甚其言歸德則不可歸安鹿門茅坤批評
如王書等本則又自有天子之尊於朝則不可若思而
亦屬上仁宗皇帝言事書

荆公以王佐之學與王佐之才自任故其一
生措注已盡於此書中所以結知主上亦全
在此書中然其學本經術故所言非漢唐以
來宰相所能見而其偏拘自用大較與商鞅
所欲變法處相近故其功業亦遂大壞而反
不如近世浮沉者之得學者須具千古隻眼

王文

卷一

看之

此書幾萬餘言而其絲牽繩聯如提百萬之
兵而鉤考部曲無一不貫

臣愚不肖蒙恩備使一路今又蒙恩召還闕廷有所
任屬而當以使事歸報陛下不自知其無以稱職而
敢緣使事之所及冒言天下之事伏惟陛下詳思而
擇其中幸甚臣竊觀陛下有恭儉之德有聰明睿智
之才夙興夜寐無一日之懈聲色狗馬觀游玩好之

事無纖介之蔽而仁民愛物之意孚於天下而又公
選天下之所願以爲輔相者屬之以事而不貳於讒
邪傾巧之臣此雖二帝三王之用心不過如此而已
宜其家給人足天下大治而效不至於此顧內則不
能無以社稷爲憂外則不能無懼於夷狄天下之財
力日以困窮而風俗日以衰壞四方有志之士認認
然常恐天下之久不安此其故何也患在不知法度
故也今朝廷法嚴令具無所不有而臣以謂無法度
者何哉方今之法度多不合乎先王之政故也孟子

王文

卷一

二

曰有仁心仁聞而澤不加於百姓者爲政不法於先
王之道故也以孟子之說觀方今之失正在於此而
已夫以今之世去先王之世遠所遭之變所遇之勢
不一而欲一一修先王之政雖甚愚者猶知其難也
然臣以謂今之失患在不法先王之政者以謂當法
其意而已夫二帝三王相去蓋千有餘載一治一亂
其盛衰之時具矣其所遭之變所遇之勢亦各不同
其施設之方亦皆殊而其爲天下國家之意本未先
後未嘗不同也臣故曰當法其意而已法其意則吾

不不足也
則公萬言
漢中銀券

所改易更革不至乎傾駭天下之耳目囂天下之口而固已合乎先王之政矣雖然以方今之勢揆之陛

下雖欲改易更革天下之事又特為懼人之意其勢必

不能也陛下有恭儉之德有聰明睿智之才有仁民

愛物之意誠加之意則何為而不成何欲而不得然

而臣顧以謂陛下雖欲改易更革天下之事合於先

王之意其勢必不能者何也以方今天下之人才不

足故也臣嘗試竊觀天下在位之人未有乏於此時

者也夫人才乏於上則有沉廢伏匿在下而不為當

王文 卷一 三

時所知者矣臣又求之於閭巷草野之間而亦未見

其多焉豈非陶冶而成之者非其道而然乎臣以謂

方今在位之人才不足者以臣使事之所及則可知

矣今以一路數千里之間能推行朝廷之法令知其

所緩急而一切能使民以修其職事者甚少而不才

苟簡貪鄙之人至不可勝數其能講先王之意以合

當時之變者蓋闔郡之間往往而絕也朝廷每一令

下其意雖善在位者猶不能推行使膏澤加於民而

吏輒緣之為姦以擾百姓臣故曰在位之人才不足

而草野閭巷之間亦未見其多也。夫人才不足則陛下雖欲改易更革天下之事以合先王之意，大臣雖有能當陛下之意而欲領此者九州之大四海之遠孰能稱陛下之指以一二推行此而人人蒙其施者乎？臣故曰其勢必未能也。孟子曰：徒法不能以自行，非此之謂乎？然則方今之急在於人才而已。誠能使天下之才衆多然後在位之才可以擇其人而取足焉，在位者得其才矣，然後稍視時勢之可否而因人情之患苦變更天下之弊法以趨先王之意，甚易也。

王文

八卷一

四

本商周之際以影人才盛衰有見

今之天下亦先王之天下，先王之時人才嘗衆矣，何至於今而獨不足乎？故曰陶冶而成之者非其道故也。商之時天下嘗大亂矣，在位貪毒禍敗皆非其人，及文王之起而天下之才嘗少矣，當是時文王能陶冶天下之士而使之皆有士君子之才，然後隨其才之所有而官使之，詩曰：豈第君子選，不作人此之謂也。及其成也，微賤兔置之人猶莫不好德，兔置之詩是也。又况於在位之人乎？夫文王惟能如此，故以征則服，以守則治。詩曰：奉璋峨峨，髦士攸宜。又曰：周王

子道六師及之言文王所用文武各得其才而無廢
事也及至夷厲之亂天下之才又嘗少矣至宣王之
起所與圖天下之事者仲山甫而已故詩人歎之曰
德輶如毛維仲山甫舉之愛莫助之蓋閭人士之少

荆、夙、伏、自、家、業、

而山甫之無助也宣王能用仲山甫推其類以新美
天下之士而後人才復衆於是內修政事外討不庭
而復有文武之境土故詩人美之曰薄言采芑于彼
新田于此蓄畝言宣王能新美天下之士使之有可
用之才如農夫新美其田而使之有可采之芑也由
王文

卷一

五

西晉是篇
全末

此觀之人之才未嘗不自人主陶冶而成之者也所
謂陶冶而成之者何也亦教之養之任之有其
道而已所謂教之之道何也古者天子諸侯自國至
於鄉黨皆有學博置教導之官而嚴其選朝廷禮樂
刑政之事皆在於學士所觀而習者皆先王之法言
德行治天下之意其材亦可以爲天下國家之用苟
不可以爲天下國家之用則不教也苟可以爲天下
國家之用者則無不在於學此教之之道也所謂養
之之道何也饒之以財約之以禮裁之以法也何謂

德之以財人之情不足於財則貪鄙苟得無所不至
先王知其如此故其制祿自庶人之在官者其祿已
足以代其耕矣由此等而上之每有加焉使其足以
養廉耻而離於貪鄙之行猶以爲未也又推其祿以
及其子孫謂之世祿使其生也既於父子兄弟妻子
之養婚姻朋友之接皆無憾矣其死也又於子孫無
不足之憂焉何謂約之以禮人情足於財而無禮以
節之則又放僻邪侈無所不至先王知其如此故爲
之制度婚喪祭養燕享之事服食器用之物皆以命
王文

卷一

六

數爲之節而齊之以律度量衡之法其命可以爲之
而財不足以具則弗具也其財可以具而命不得爲
之者不使有銖兩分寸之加焉何謂裁之以法先王
於天下之士教之以道藝矣不帥教則待之以屏弃
遠方終身不齒之法約之以禮矣不循禮則待之以
流殺之法王制曰變衣服者其君流酒誥曰厥或誥
曰羣飲汝勿佚盡執拘以歸于周予其殺夫羣飲變
衣服小罪也流殺大刑也加小罪以大刑先王所以
恐而不疑者以爲不如是不足以一天下之俗而成

以下節節與
近相貫穿相

呼應

抱公劫主上

以偶左右大
臣看數須於

此識得刑公
作用又識得

刑公偏拘病

癩乃是法服

開唐圖畫
公卿之說與
忘相貫如珠

吾治夫約之以禮裁之以法天下所以服從無抵目
者又非獨其禁嚴而治察之所能致也蓋亦以吾至

誠懇惻之心力行而為之倡凡在左右通貴之人皆

順上之欲而服行之有一不帥者去之加必自此始

夫上以至誠行之而貴者知避上之所惡矣則天下

之不罰而止者衆矣故曰此養之道也所謂取之

之道者何也先王之取人也必於鄉黨必於庠序使

衆人推其所謂賢能書之以告于上而察之誠賢能

也然後隨其德之大小才之高下而官使之所謂察

王文 卷一 七

之者非專用耳目之聰明而聽私於一人之口也欲

審知其德問以行欲審知其才問以言得其言行則

試之以事所謂察之者試之以事是也雖堯之用舜

亦不過如此而已又况其下乎若夫九州之大四海

之遠萬官億醜之賤所須士大夫之才則衆矣有天

下者又不可以一一自察之也又不可以偏屬於一

人而使之於一日二日之間考試其行能而進退之

也蓋吾已能察其才行之大者以為大官矣因使之

取其類以持久試之而考其能者以告于上而後以

爵命祿秩予之而已此取之道也所謂任之道者何也人之才德高下厚薄不同其所任有宜有不宜先王知其如此故知農者以爲后稷知工者以爲共工其德厚而才高者以爲之長德薄而才下者以爲之佐屬又以久於其職則上狃習而知其事下服馴而安其教賢者則其功可以至於成不肖者則其罪可以至於著故久其任而待之以考績之法夫如此故智能才力之士則得盡其智以赴功而不患其事之不終其功之不就也偷惰苟且之人雖欲取容

王文

卷一

八

於一時而顧僇辱在其後安敢不勉乎若夫無能之人固知辭避而去矣居職任事之日久不勝任之罪不可以幸而免故也彼且不敢冒而知辭避矣尙何有比周讒譖爭進之人乎取之旣已詳使之旣已當處之旣已久至其任之也又專焉而不一一以法束縛之而使之得行其意堯舜之所以理百官而熙衆工者以此而已書曰三載考績三考黜陟幽明此之謂也然堯舜之時其所黜者則聞之矣蓋四凶是也其所陟者則臯陶稷契皆終身一官而不徙蓋其所

謂陟者特加之爵命祿賜而已耳此任之道也夫
教之養之取之任之之道如此而當時人君又能與
其大臣悉其耳目心力至誠惻怛思念而行之此其
人臣之所以無疑而於天下國家之事無所欲爲而
不得也以下教之不得其道方今州縣雖有學取牆壁具而已非有教導
之官長育人才之事也唯太學有教導之官而亦未
嘗嚴其選朝廷禮樂刑政之事未嘗在於學學者亦
漠然自以禮樂刑政爲有司之事而非已所當知也
學者之所教講說章句而已講說章句固非古者教

王文

卷一

九

人之道也近歲乃始教之以課試之文章夫課試之
文章非博誦強學窮日之力則不能及其能工也太
則不足以用天下國家小則不足以爲天下國家之
用故雖白首於庠序窮日之力以師上之教及使之
從政則茫然不知其方者皆是也蓋今之○者非特
不能成人之材而已又從而困苦毀壞之使不得成
材者何也夫人之才成於專而毀於雜故先王之處
民才處工於官府處農於畝畝處商賈於肆而處士
於庠序使各專其業而不見異物懼異物之足以害

其業也所謂士者又非特使之不得見異物而已一
示之以先王之道而百家諸子之異說皆屏之而莫
敢習者焉今士之所宜學者天下國家之用也今悉
使置之不教而教之以課試之文章使其耗精疲神
窮日之力以從事於此及其任之以官也則又悉使
置之而責之以天下國家之事夫古之人以朝夕專
其業於天下國家之事而猶才有能有不能今乃移
其精神奪其日力以朝夕從事於無補之學及其任
之以事然後卒然責之以爲天下國家之用宜其才

王文

八卷一

十

之足以有爲者少矣臣故曰非特不能成人之才又
從而困苦毀壞之使不得成才也又有甚害者先王
之時士之所學者文武之道也士之才有可以爲公
卿大夫有可以爲士其才之大小宜不宜則有矣至
於武事則隨其才之大小未有不學者也故其大者
居則爲六官之卿出則爲六軍之將也其次則比閭
族黨之師亦皆卒伍師旅之帥也故邊疆宿衛皆得
士大夫爲之而小人不得奸其任今之學者以爲文
武異事吾知治文事而已至於邊疆宿衛之任則推

而屬之於卒伍往往天下姦悍無賴之人苟其才行
足自託於鄉里者亦未有肯去親戚而從召募者也
邊疆宿衛此乃天下之重任而人主之所當慎重者
也故古者教士以射御爲急其他技能則視其人才
之所宜而後教之其才之所不能則不強也至於射
則爲男子之事人之生有疾則已苟無疾未有去射
而不學者也在庠序之間固當從事於射也有賓客
之事則以射有祭祀之事則以射別士之行同能偶
則以射於禮樂之事未嘗不寓以射而射亦未嘗不

王文

卷一

十一

在於禮樂祭祀之間也易曰弧矢之利以威天下先
王豈以射爲可以習揖讓之儀而已乎固以爲射者
武事之尤大而威天下守國家之具也居則以是習
禮樂出則以是從戰伐士旣朝夕從事於此而能者
衆則邊疆宿衛之任皆可以擇而取也夫士嘗學先
王之道其行義嘗見推於鄉黨矣然後因其才而託
之以邊疆宿衛之事此古之人君所以推干戈以屬
之人而無內外之虞也今乃以夫天下之重任人主
所當至慎之選推而屬之姦悍無賴才行不足自託

於鄉里之人此方今所以認認然常抱邊疆之憂而虞宿衛之不足恃以爲安也今孰不知邊疆宿衛之

士不足恃以爲安哉顧以爲天下學士以執兵爲耻

中人之體

而亦未有能騎射行陣之事者則非召募之卒伍孰

能任其事者乎夫不嚴其教高其選則士之以執兵

爲耻而未嘗有能騎射行陣之事固其理也凡此皆

教之非其道故也方今制祿大抵皆薄自非朝廷侍

以下不待出道

從之列食口稍衆未有不兼農商之利而能充其養

者也其下州縣之吏一月所得多者錢八九千少者

王文

卷一

十一

四五千以守選待除守闕通之蓋六七年而後得三

年之祿計一月所得乃實不能四五千少者乃實不

能及三四千而已雖廝養之給亦窘於此矣而其養

生喪死婚姻塋送之事皆當於此夫出中人之上者

雖窮而不失爲君子出中人之下者雖泰而不失爲

小人唯中人不然窮則爲小人泰則爲君子計天下

之士出中人之上下者千百而無十一窮而爲小人

泰而爲君子者則天下皆是也先王以爲衆不可以

力勝也故制行不以已而以中人爲制所以因其欲

而利道之以爲中人之所能守則其志可以行乎天下而推之後世以今之制祿而欲士之無毀廉耻蓋中人之所不能也故今官大者往往交賂遺營貲產以負貪汙之毀官小者販鬻乞丐無所不爲夫士已嘗毀廉耻以負累於世矣則其偷惰取容之意起而矜奮自強之心息則職業安得而不弛治道何從而興乎又况委法受賂侵牟百姓者往往而是也此所謂不能饒之以財也婚喪奉養服食器用之物皆無制度以爲之節而天下以奢爲榮以儉爲耻苟其財

王文

卷一

十三

之可以具則無所爲而不得有司旣不禁而人又以此爲榮苟其財不足而不能自稱於流俗則其婚喪之際往往得罪於族人親姻而人以爲耻矣故富者貪而不知止貧者則強勉其不足以追之此士之所宜困而廉耻之心毀也凡此所謂不能約之以禮也方今陛下躬行儉約以率天下此左右通貴之臣

通貴也

則公

服

已

射

左

所親見然而其閭門之內奢靡無節犯上之所惡以

傷天下之教者有已甚者矣未聞朝廷有所放納以

示天下昔周之人拘羣飲而被之以殺刑者以爲酒

之末流生害有至於死者衆矣故重禁其禍之所自
生重禁禍之所自生故其施刑極省而人之抵於禍
敗者少矣今朝廷之法所尤重者獨貪吏耳重禁貪
吏而輕奢靡之法此所謂禁其末而弛其本然而世
之識者以爲方今官冗而縣官財用已不足以供之
其亦蔽於理矣今之入官誠冗矣然而前世置員益
甚少而賦祿又如此之薄則財用之所不足蓋亦有
說矣吏祿豈足計哉臣於財利固未嘗學然竊觀前

世治財之大畧矣蓋因天下之力以坐天下之財取

王文

卷一

一四

天下之財以供天下之費自古治世未嘗以不足爲
天下之公患也患在治財無其道耳今天下不見兵
革之具而元元安土樂業人致已力以生天下之財
然而公私常以困窮爲患者殆以理財未得其道而
有司不能度世之宜而通其變耳誠能理財以其道
而通其變臣雖愚固知增吏祿不足以傷經費也方

今法嚴令具所以羅天下之士可謂密矣然而亦嘗

敎之以道藝而有不帥敎之刑以待之乎亦嘗約之

以制度而有不循理之刑以待之乎亦嘗任之以職

事而有不任事之刑以待之乎夫不先效之以道藝誠不可以誅其不帥教不先約之以制度誠不可以誅其不循理不先任之以職事誠不可以誅其不任事此三者先王之法所尤急也今皆不可得誅而薄物細故非害治之急者爲之法禁月異而歲不同爲吏者至於不可勝記又况能一一避之而無犯者乎此法令所以玩而不行小人有幸而免者君子有不幸而及者焉此所謂不能裁之以刑也凡此皆治之非其道也方今

以下取之不得其道
取士強記博誦而畧通於文辭謂之

王文

卷一

一五

茂才異等賢良方正茂才異等賢良方正者公卿之選也記不必強誦不必博畧通於文辭而又嘗學詩賦則謂之進士進士之高者亦公卿之選也夫此二科所得之技能不足以爲公卿不待論而後可知而世之議者乃以爲吾常以此取天下之士而才之可以爲公卿者常出於此不必法古之取人而後得士也其亦蔽於理矣先王之時盡所以取人之道猶懼賢者之難進而不肖者之雜於其間也今悉廢先王所以取士之道而毆天下之才士悉使爲賢良進士

此輩識見分
明是相局所
以能動主上

此便是劫神
宗之徇任而

不容羣臣撓
亂舉塞

則士之才可以爲公卿者固宜爲賢良進士而賢良
進士亦固宜有時而得才之可以爲公卿者也然而
不肖者苟能雕蟲篆刻之學以此進至乎公卿才之
可以爲公卿者困於無補之學而以此絀死於崑野
蓋十八九矣夫古之人有天下者其所以慎擇者公
卿而已公卿旣得其人因使推其類以聚於朝廷則

百司庶物無不得其人也今使不肖之人幸而至乎
公卿因得推其類聚之朝廷此朝廷所以多不肖之
人而雖有賢智往往困於無助不得行其意也且公

王文

卷一

一六

卿之不肖旣推其類以聚於朝廷朝廷之不肖又推
其類以備四方之任使四方之任使者又各推其不
肖以布於州郡則雖有同舉舉官之科豈足恃哉適
足以爲不肖者之資而已其次九經五經學聰明法
之科朝廷固已嘗患其無用於世而稍責之以大義
矣然大義之所得未有以賢於故也今朝廷又開明
經之選以進經術之士然明經之所取亦記誦而畧
通於文辭者則得之矣彼通先王之意而可以施於
天下國家之用者願未必得與於此選也其次則恩

又是○判○公○指○自○家○一○輩○人

澤子第庠序不教之以道藝官司不考問其才能父兄不保任其行義而朝廷輒以官予之而任之以事武王數紂之罪則曰官人以世夫宮人以世而不計其才行此乃紂之所以亂亡之道而治世之所無也又其次曰流外朝廷固已擠之於廉耻之外而限其進取之路矣顧屬之以州縣之事使之臨士民之上豈所謂以賢治不肖者乎以臣使事之所及一路數千里之間州縣之吏出於流外者往往而有可屬任以事者殆無二三而當防閑其姦者皆是也蓋古者有賢不肖之分而無流品之別故孔子之聖而嘗爲季氏吏蓋雖爲吏而亦不害其爲公卿及後世有流品之別則凡在流外者其所成立固嘗自置於廉耻之外而無高人之意矣夫以近世風俗之流靡自雖士大夫之才勢足以進取而朝廷嘗獎之以禮義者晚節末路往往怵而爲姦况又其素所成立無高人之意而朝廷固已擠之於廉耻之外限其進取者乎其臨人親職放僻邪侈固其理也至於邊疆宿衛之選則臣固已言其失矣凡此皆取之非其道也方今

取之既不以其道至於任之以下任之不得其道又不問其德之所宜而

問其出身之後先不論其才之稱否而論其歷任之

多少以文學進者且使之治財已使之治財矣又轉

而使之典獄已使之典獄矣又轉而使之治禮是則

一人之身而責之以百官之所能備宜其人才之難

為也夫責人以其所難為則人之能為者少矣人之

能為者少則相率而不為故使之典禮未嘗以不知

禮為憂以今之典禮者未嘗學禮故也使之典獄未

嘗以不知獄為耻以今之典獄者未嘗學獄故也天

王文

卷一

十八

下之人亦已漸漬於失教被服於成俗見朝廷有所

任使非其資序則相議而訕之至於任使之不當其

才未嘗有非之者也且在位者數徙則不得久於其

官故上不能狃習而知其事下不肯服馴而安其教

賢者則其功不可及於成不肖者則其罪不可以

至於著若夫迎新將故之勞緣絕簿書之弊固其害

之小者不足悉數也設官大抵皆當久於其任而至

於所部者遠所任者重則尤宜久於其官而後可以

責其有為而方今亦切、今、日、事、情尤不得久於其官往往數日輒遷

之矣。取之既已不詳，使之既已不當，處之既已不久，至於任之則又不專，而又一一以法束縛之，不得行其意。臣故知當今在位多非其人，稍假借之權而不一一以法束縛之，則放恣而無不爲。雖然在位非其人而恃法以爲治，自古及今未有能治者也。卽使在位皆得其人矣，而一一以法束縛之，不使之得行其意，亦自古及今未有能治者也。夫取之既已不詳，使之既已不當，處之既已不久，任之又不得專，而又一一以法束縛之，故雖賢者在位，能者在職，與不肖而無能者殆無以異。夫如此，故朝廷明知其賢能足以任事，苟非其資序則不以任事而輒進之，雖進之士猶不服也；明知其無能而不肖，苟非有罪爲在事者，所効不敢以其不勝任而輒退之，雖退之士猶不服也。彼誠不肖無能，然而士不服者何也？以所謂賢能者任其事，與不肖而無能者亦無以異故也。臣前以謂不能任人以職事而無不任事之刑以待之者，蓋謂此也。夫教之養之取之任之，有一非其道則足以敗

天下之人才，又况兼此四者而有之，則在位不才苟

簡貪鄙之人至於不可勝數而草野賢卷之謂亦不
可任之才固不足怪詩曰國雖靡止或聖或否民雖
靡廬或哲或謀或肅或艾如彼泉流無淪胥以敗此
之謂也夫在位之人才不足矣而閭巷草野之間亦
少可用之才則豈特行先王之政而不得也社稷之
託封疆之守陛下其能久以天幸爲常而無一旦之
憂乎蓋漢之張角三十六萬同日而起所在郡國莫
能發其謀唐之黃巢橫行天下而所至將吏無敢與
之抗者漢唐之所以亡禍自此始唐旣亡矣陵夷以

王文

卷一

二十

至五代而武夫用事賢者伏匿消沮而不見在位無
復有知君臣之義上下之禮者也當是之時變置社
稷蓋甚於奕碁之易而元元肝腦塗地幸而不轉死
於溝壑者無幾耳夫人才不足其患蓋如此而方今
公卿大夫莫肯爲陛下長慮後顧爲宗廟萬世計臣
竊惑之昔晉武帝趣過目前而不爲子孫長遠之謀
當時在位亦皆偷合苟容而風俗蕩然棄禮義捐法
制上下同失莫以爲非有識固知其將必亂矣而其
後果海內大擾中國列於夷狄者二百餘年伏惟三

常上書魯荆
公已有安法
之意故特破
孟子所云與
主父偃所行
采打勘

廟祀宗神靈所以付屬陛下固將爲萬世血食而大
庇元元於無窮也臣願陛下鑒漢唐五代之所以亂
亡懲晉武苟且因循之禍明詔大臣思所以陶成天
下之才慮之以謀計之以數爲之以漸期爲合於當
世之變而無負於先王之意則天下之人才不勝用
矣人才不勝用則陛下何求而不得何欲而不成哉
夫慮之以謀計之以數爲之以漸則成天下之才甚
易也臣始讀孟子見孟子言王政之易行心則以爲
誠然及見與慎子論齊魯之地以爲先王之制國大
王文
八卷一
三
抵不過百里者以爲今有王者起則凡諸侯之地或
千里或五百里皆將損之至於數十百里而後止於
是疑孟子雖賢其仁智足以一天下亦安能毋劫之
以兵革而使數百千里之強國一旦宵損其地之十
八九比於先王之諸侯至其後觀漢武帝用主父偃
之策令諸侯王地悉得推恩封其子弟而漢親臨定
其號名輒別屬漢於是諸侯王之子弟各有分土而
勢強地大者卒以分析弱小然後知慮之以謀計之
以數爲之以漸則大者固可使小強者固可使弱而

不至乎傾駭變亂敗傷之釁孟子之言不爲過又况
今欲改易更革其勢非若孟子所爲之難也臣故曰
慮之以謀計之以數爲之以漸則其爲甚易也然先
王之爲天下不患人之不爲而患人之不能不患人
之不能而患已之不勉何謂不患人之不爲而患人
之不能人之情所願得者善行矣名尊爵厚利也而
先王能操之以臨天下之士天下之士有能遵之以
治者則悉以其所願得者以與之士不能則已矣苟
能則孰肯舍其所願得而不自勉以爲才故曰不患

王文

卷一

三十一

此一段又是
打動主上者
數

人之不爲患人之不能何謂不患人之不能而患已
之不勉先王之法所以待人者盡美自非下愚不可
移之才未有不能赴者也然而不謀之以至誠惻怛
之心力行而先之未有能以至誠惻怛之心力行而
應之者也故曰不患人之不能而患已之不勉陛下
誠有意乎成天下之才則臣願陛下勉之而已臣又
觀朝廷異時欲有所施爲變革其始計利害未嘗熟
也顧有一流俗僥倖之人不悅而非之則遂止而不
敢去法度立則人無獨蒙其幸者故先王之政雖足

此是刑公
欲以刑法劫
其必行之意

雖爾缺彼本
庶信之意同

此寺俱是刑
公劫王上以
威威的手段

以利天下而當其承弊壞之後僥倖之時其刑法立
制未嘗不艱難也以其刑法立制而天下僥倖之人
亦順悅以趨之無有齟齬則先王之法至今存而不
廢矣惟其刑法立制之艱難而僥倖之人不肖順悅
而趨之故古之人欲有所爲未嘗不先之以征誅而
後得其意詩曰是伐是肆是絕是忽四方以無拂此
言文王先征誅而後得意於天下也夫先王欲立法
度以變衰壞之俗而成人之才雖有征誅之難猶忍
而爲之以爲不若是不可以有爲也及至孔子以匹

王文

卷一

三

夫遊諸侯所至則使其君臣捐所習逆所順強所劣
憧憧如也卒困於排逐然孔子亦終不爲之變以爲
不如是不可以有爲此其所守蓋與文王同意夫在
上之聖人莫如文王在下之聖人莫如孔子而欲有
所施爲變革則其事蓋如此矣今有天下之勢居先
王之位朮立法制非有征誅之難也雖有僥倖之人
不悅而非之固不勝天下順悅之人衆也然而一有
流俗僥倖不悅之言則遂止而不敢爲者惑也陛下
誠有意乎成天下之才則臣又願斷之而已夫慮之

以謀計之以數爲之以漸而又勉之以成斷之以果
然而猶不能成天下之才則以臣所聞蓋未有也然
臣之所稱流俗之所不講而今之議者以謂迂闊而
熟爛者也竊觀近世士大夫所欲悉心力耳目以禱
助朝廷者有矣彼其意非一切利害則以爲當世所
能行者士大夫旣以此希世而朝廷所取於天下之
士亦不過如此至於大倫大法禮義之際先王之所
力學而守者蓋不及也一有及此則羣聚而笑之以
爲迂闊今朝廷悉心於一切之利害有司法令於刀

三文

八卷一

三四

筆之間非一日也然其效可觀矣則夫所謂迂闊而
熟爛者惟陛下亦可以少畱神而察之矣昔唐太宗
正觀之初人人異論如封德彝之徒皆以爲非雜用
秦漢之政不足以爲天下能思先王之事開太宗者
魏文正公一人爾其所施設雖未能盡當先王之意
抑其大畧可謂合矣故能以數年之間而天下幾致
刑措中國安寧蠻夷順服自三王以來未有如此盛
時也唐太宗之初天下之俗猶今之世也魏文正公
之言固當時所謂迂闊而熟爛者也然其效如此賈

謹曰今或言德教之不如云令胡不引商周秦漢以觀之然則唐太宗之事亦足以觀矣臣幸以職事歸報陛下不自知其駑下無以稱職而敢及國家之大體者以臣蒙陛下任使而當歸報竊謂在位之人才不足而無所稱朝廷任使之意而朝廷所以任使天下之士者或非其理而士不得盡其才此亦臣使事之所及而陛下之所宜先聞者也釋此不言而毛舉利害之一二以汙陛下之聰明而終無補於世則非臣所以事陛下惓惓之義也伏惟陛下詳思而擇其

王文

卷一

三五

中天下幸甚

宋大家王文公文抄卷之一

宋大家王文公文抄卷之二

宗無所不備故能以軍國有歸安鹿門茅坤批評

子疏狀以辨發真宗中或以難口以至宗宗

本朝百年無事劄子今志問之以安休宗宗

此篇極精神骨髓荆公所以直入神宗之脅

全在說仁廟處可謂搏虎屠龍手

臣前蒙陛下問及本朝所以享國百年天下無事之

故臣以淺陋誤承聖問迫於日晷不敢久留語不及

悉遂辭而退竊惟念聖問及此天下之福而臣遂無

王文

卷二

一

一言之獻非近臣所以事君之義故敢冒昧而粗有

所陳伏惟太祖躬上智獨見之明而周知人物之情

僞指揮付託必盡其材變置設施必當其務故能駕

馭將帥訓齊士卒外以扞夷狄內以平中國於是除

苛賦止虐刑廢強橫之藩鎮誅貪殘之官吏躬以簡

儉為天下先其於出政發令之間一以安利元元為

事太宗承之以聰武真宗守之以謙仁以至仁宗英

宗無有逸德此所以享國百年而天下無事也仁宗

在位歷年最久臣於時實備從官施為本末臣所親

續仁宗中一
一合訊於以
感動神宗而
文有賞廢

見嘗試爲陛下陳其一二而陛下詳擇其可亦足以
申鑒於方今伏惟仁宗之爲君也象長天符畏人寬
仁恭儉出於自然而忠恕誠懇終始如一未嘗妄興
一役未嘗妄殺一人斷獄務在生之而特惡吏之殘
擾寧屈已棄財於夷狄而終不忍加兵刑平而公賞
重而信納用諫官御史公聽並觀而不蔽於偏至之
讒因任衆人耳目拔舉疎遠而隨之以相坐之法蓋
監司之吏以至州縣無敢暴虐殘酷擅有調發以傷
百姓自夏人順服蠻夷遂無大變邊人父子夫婦得

王文

卷二

二

免於兵死而中國之人安逸蕃息以至今日者未嘗
妄興一役未嘗妄殺一人斷獄務在生之而特惡吏
之殘擾寧屈已棄財於夷狄而不忍加兵之効也大
臣賢戚左右近習莫敢強橫犯法其自重慎或甚於
閭巷之人此刑平而公之効也募天下驍雄橫猾以
爲兵幾至百萬非有良將以御之而謀變者輒敗聚
天下財物雖有文籍委之府史非有能吏以鈎考而
斷盜者輒發凶年飢歲流者填道死者相枕而寇攘
者輒得此賞重而信之効也大臣賢戚左右近習莫

卷之五

猶將自己作
用與所以感
誠天子處

能大擅威福廣私貨賂一有姦慝隨輒上聞貪邪橫
術雖開或見用未嘗得久此納用諫官御史公聽並
觀而不蔽於偏至之讒之^効也自縣令京官以至監
司臺閣陞擢之任雖不皆得人然一時之所謂才士
亦罕蔽塞而不見收舉者此因任衆人之耳目拔舉
疎遠而隨之以相坐之法之^効也升遐之日天下號
慟如喪考妣此寬仁恭儉出於自然忠恕誠懇終始
如一之^効也然本朝累世因循末俗之弊而無親友
羣臣之議人君朝夕與處不過宦官女子出而視事
王文
又不過有司之細故未嘗如古大有為之君與學士
大夫討論先王之法以措之天下也一切因任自然
之理勢而精神之運有所不加名實之間有所不察
君子非不見賚然小人亦得廁其間正論非不見容
然邪說亦有時而用以詩賦記誦求天下之士而無
學校養民之法以科名資歷叙朝廷之位而無官司
課試之方監司無檢察之人守將非選擇之吏轉徙
之亟既難於考績而游談之衆因得以亂真交私養
望者多得顯官獨立營職者或見排沮故上下偷惰

卷二

三

取容而已。雖有能者在職，亦無以異於庸人。農民壞於繇役而未嘗特見救恤，又不爲之設官以修其水土之利。兵士雜於疲老而未嘗申敕訓練，又不爲之擇將而久其疆場之權宿衛，則聚卒伍無賴之人而未有以變五代姑息羈縻之俗。宗室則無教訓選舉之實，而未有以合先王親疎隆殺之宜。其於理財大抵無法，故雖儉約而民不富，雖憂勤而國不强，賴非夷狄昌熾之時，又無堯湯水旱之變，故天下無事過於百年。雖曰人事亦天助也，蓋累聖相繼，仰畏天俯畏人，寬仁恭儉，忠恕誠懇，此其所以獲天助也。伏惟陛下躬上聖之質，承無窮之緒，知天助之不可常恃，知人事之不可怠終，則大有爲之時正在今日。臣不敢輒廢將明之義，而苟逃諱忌之誅，伏惟陛下幸赦而留神，則天下之福也。取進止。

自本朝以下，節節議得的確，而荆公所欲爲朝廷節節立法，措注處亦自可見神廟所以

以伊傅周召任之信之而惜也。荆公之志雖

窮盡而學問淵源則得之講習考覈者多而

非由於疏通博大之養也况其強腹自用得
之天授而偏見所向遂至於并其同心同志
稍稍隔絕及其位高而勢危寵專而氣銳所
以材佞之士得投間以入而平生所自喜者
反爲左右所闕而國家亦多故矣惜哉



上五事劄子

荆公建變法之議存之

陛下卽位五年更張改造者數千百事而爲書具爲法立而爲利者何其多也就其多而求其法最大其效最晚其議論最多者五事也一曰和戎二曰青苗三曰免役四曰保甲五曰市易今青唐洮河幅員三千餘里舉戎羌之衆二十萬獻其地因爲熟戶則和戎之策已効矣昔之貧者舉息之於豪民今之貧者舉息之於官官薄其息而民救其乏則青苗之令已

王文

八卷二

六

行矣惟免役也保甲也市易也此三者有大利害焉得其人而行之則爲大利非其人而行之則爲大害緩而圖之則爲大利急而成之則爲大害傳曰事不師古以克永世匪說攸聞若三法者可謂師古矣然而知古之道然後能行古之法此臣所謂大利害者也蓋免役之法出於周官所謂府史胥徒王制所謂庶人在官者也然而九州之民貧富不均風俗不齊版籍之高下不足據今一旦變之則使之家至戶到均平如一舉天下之役人人用募釋天下之農歸於

欲歛苟不得其人而行則五等必不平而募役必不均矣保甲之法起於三代丘甲管仲用之齊子產用之鄭商君用之秦仲長統言之漢而非今日之立異也然而天下之人鳧居鴈聚散而之四方而無禁也者數千百年矣今一旦變之使行什伍相維鄰里相屬察姦而顯諸仁宿兵而藏諸用苟不得其人而行之則搔之以追呼駭之以調發而民心搖矣市易之法起於周之司市漢之平準今以百萬緡之錢權物價之輕重以通商而貫之令民以歲入數萬緡息然甚知天下之貨賄未甚行竊恐希功幸賞之人速求成効於年歲之間則吾法隳矣臣故曰三法者得其人緩而謀之則爲大利非其人急而成之則爲大害故免役之法成則農時不奪而民力均矣保甲之法成則寇亂息而威勢強矣市易之法成則貨賄通流而國用饒矣

王文

八卷二

七

若今之經筵官當亦準此博訪考言以爲儲
養公卿之選

臣伏見今館職一除乃至十人此本所以儲公卿之材也然陛下試求以爲講官則必不知其誰可試求以爲諫官則必不知其誰可試求以爲監司則必不知其誰可此患在於不親考試以實故也孟子曰國人皆曰賢然後察之見賢焉然後用之今所除館職特一二十大臣以爲賢而已非國人皆曰賢國人皆曰賢尙未可信用必躬察見其可賢而後用况於一二大臣以爲賢而已何可遽信而用也臣願陛下察舉衆人所謂材良而行美可以爲公卿者召令三館祇候雖已帶館職亦可令兼祇候事有當論議者召至中書或召至禁中令具條奏是非利害及所當設施之方及察其才可以備任使者有四方之事則令往相視問察而又或令參覆其所言是非利害其所言是非利害雖不盡中義理可施用然其於相視問察能詳盡而不爲蔽欺者卽皆可以備任使之才也其

有經術者又令講說如此至於數四則材否略見然後罷其否者而召其材者更親訪問以事訪問以事非一事而後可以知其人之實也必至於期年所訪一二十事則其人之賢不肖審矣然後隨其材之所宜任使其尤材良行美可與謀者雖嘗令備訪問可也此與用一二人大臣薦舉不考試以實而加以職固萬萬不侔然此說在他時或難行今陛下有堯舜之明洞見天下之理臣度無實之人不能蔽也則推行此事甚易既因考試可以出材實又因訪問可以知

王文

八卷二

九

事情所謂敷納以言明試以功用人惟已闢四門明四目達四聰者蓋如此而已以今在位乏人上下壅隔之時恐行此不宜在衆事之後也然巧言令色孔子之人能伺人主意所在而爲傾邪者此堯舜之所畏而孔子之所欲遠也如此人當知而遠之使不得親近然如此人亦有數陛下博訪於忠臣良士知其人如此則遠而弗見誤而見之以陛下之仁聖以道揆之以人參之亦必知其如此知其如此則宜有所懲如此則巧言令色孔子之徒消而正論不蔽於上

今欲廣聞見而使巧言令色孔壬之徒得志乃所以自蔽畏巧言令色孔壬之徒爲害而一切疏遠羣臣

言有報太

亦所以自蔽蓋人主之患在不窮理不窮理則不足

以知言不知言則不足以知人不知人則不能官人

不能官人則治道何從而興乎陛下堯舜之主也其

所明見秦漢以來欲治之主未有能彷彿者固非羣

臣所能窺望然自堯舜文武皆好問以窮理擇人而

官之以自助其意以爲王者之職在於論道而不在

於任事在於擇人而官之而不在於自用願陛下以

王文

八卷二

十

堯舜文武爲法則聖人之功必見於天下至於有司

叢脞之務恐不足以棄日力勞聖慮也以方今所急

爲在如此敢不盡愚臣愚才薄然蒙拔擢使豫聞天

下之事聖旨宣諭富弼等欲於講筵召對輔臣討論

時事顧如臣者才薄不足以望陛下之清光然陛下

及此言也實天下幸甚自備位政府每得進見所論

皆有司叢脞之事至於大體粗有所及則迫於日晷

已復旅退而方今之事非博論詳說令所改更施設

本末先後小大詳略之方已熟於聖心然後以次奉

行則治道終無由興起然則如臣者非蒙陛下賜之
從容則所懷何能自竭蓋自古大有爲之君未有不
始於憂勤而終於逸樂今陛下仁聖之質秦漢以來
人主未有企及者也於天下事又非不憂勤然所操
或非其要所施或未得其方則恐未能終於逸樂無
爲而治也則於博論詳說豈宜緩然陛下欲賜之從
容使兩府並進則論議者衆而不一有所懷者或不
得自竭謂宜使中書密院迭進則人各得盡其所懷
而陛下聽覽亦不至於煩陛下卽以臣言爲可乞明
王文

卷二

十一

喻大臣使各舉所知無限人數皆實封以聞然後陛
下推擇召置以爲三館祇候其不足取者旋即罷去
則所置雖多亦無所害也

相度牧馬所舉薛向劄子

區書處甚悉

臣等竊觀自古國馬盛衰皆以所任得人失人而已
汧渭之間未嘗無牧而非子獨能蕃息於周河隴之
間未嘗無牧而張萬歲獨能蕃息於唐此前世得人
之明效也使得人而不久其官久其官而不使得專
其事使得專其事而不臨之以賞罰亦不可以成功
今臣等相度陝西一路買馬監牧利害大綱已具奏
聞伏見權陝西轉運副使薛向精力強果達於政事

王文

卷二

十二

河北便糴陝西摧鹽皆有已試之效今來相度陝西
馬事尤爲詳悉臣等前奏已乞就委薛向提舉陝西
買馬及監牧公事今欲乞降指揮許令久任緣今來
馬價多出於解池鹽利三司所支銀緇絹等又許令
於陝西轉運司兌換見錢今薛向旣掌解鹽又領陝
西財賦則通融變轉於事爲便兼臣等訪問得薛向
陝西係官空地可以興置監牧處甚多若將來稍成
次第卽可以漸興置監得西戎之馬牧之於西方不
失其上性一利也因未嘗耕墾之地無傷於民二利

也。因向之材而就令經始三利也。又河北有河防塘
泊之患而土多舄鹵不毛戎馬所屯地利不足諸監
牧多在此路所占草地多是肥饒而馬又不堪未嘗
大段孳息若陝西良馬易其惡種有可廢者悉以
有可存者悉以陝西良馬易其惡種有可廢者悉以
肥饒之地賦民於地不足而馬所不宜之處以肥饒
之地賦民而收其課租以助戎馬之費於地有餘而
馬所宜之處以未嘗耕墾之地牧馬而無傷於民此
又利之大者也如允臣等所奏卽乞薛向所奏舉官
員及論改舊弊朝廷一切應副成功則無愛賞敗事
則無憚罰如此則臣等保任薛向必能上副朝廷改
法之意如將來敗事臣等各甘同舉取進止

王文

卷二

十三

進戒疏

於亮陰初以聲色二字爲遠佞人之本便是
荆公得力的學問

臣某昧死再拜上疏皇帝陛下臣竊以爲陛下旣終
亮陰考之於經則羣臣進戒之時而臣待罪近司職
當先事有言者也竊聞孔子論爲邦先放鄭聲而後
曰遠佞人仲虺稱湯之德先不邇聲色不殖貨利而
後曰用人惟已益以謂不淫耳目於聲色玩好之物
然後能精於用志能精於用志然後能明於見理能

王文

卷二

一四

明於見理然後能知人能知人然後佞人可得而遠
忠臣良士與有道之君子類進於時有以自竭則法
度之行風俗之成甚易也若夫人主雖有過人之材
而不能早自戒於耳目之欲至於過差以亂其心之
所思則用志不精用志不精則見理不明見理不明
則邪說誠行必窺間乘殆而作則其至於危亂也豈
難哉伏惟陛下卽位以來未有聲色玩好之過聞於
外然孔子聖人之盛尚自以爲七十而後敢縱心所
欲也今陛下以鼎盛之春秋而享天下之大奉所以

傾、動、主、上、處

惑移耳目者為不少矣則臣之所豫慮而陛下之所
深戒宜在於此天之生聖人之材甚吝而人之值聖
人之時甚難天既以聖人之材付陛下則人亦將望
聖人之澤於此時伏惟陛下自愛以成德而自強以
赴功使後世不失聖人之名而天下皆蒙陛下之澤
則豈非可願之事哉臣愚不勝惓惓唯陛下恕其狂
妄而幸賜省察

三文

八卷二

十五

妄而幸賜省察

與豈非可願之事哉臣愚不勝惓惓唯陛下恕其狂
妄而幸賜省察
夫臣身於世不失聖人之名而天下皆蒙陛下之澤
則豈非可願之事哉臣愚不勝惓惓唯陛下恕其狂
妄而幸賜省察
夫臣身於世不失聖人之名而天下皆蒙陛下之澤
則豈非可願之事哉臣愚不勝惓惓唯陛下恕其狂
妄而幸賜省察

以仁順享國
久故為此言
以傾動之

以仁順享國
久故為此言
以傾動之
荆公劫主上之知處往往入人主肘腋細看
自覺與他人不同
臣某昧死再拜上疏尊號皇帝陛下臣竊觀自古人
主享國日久無至誠惻怛憂天下之心雖無暴政虐
刑加於百姓而天下未嘗不亂自秦已下享國日久
者有晉之武帝梁之武帝唐之明皇此三帝者皆聰
明智略有功之主也享國日久內外無患因循苟且
無至誠惻怛憂天下之心趨過目前而不爲久遠之

王文

卷二

一六

計自以禍災可以無及其身往往身遇災禍而悔無
所及雖或僅得身免而宗廟固已毀辱而妻子固已
困窮天下之民固已膏血塗草野而生者不能自脫
於困餓劫束之患矣夫爲人子孫使其宗廟毀辱爲
人父母使其比屋死亡此豈仁孝之主所宜忍者乎
然而晉梁唐之三帝以晏然致此者自以爲其禍災
可以不至於此而不自知忽然已至也蓋夫天下至
大器也非大明法度不足以維持非衆建賢才不足
以保守苟無至誠惻怛憂天下之心則不能詢考賢

刑公於仁廟
時已有勅生

上之知之意
在而仁廟特
持重故不能
入及神宗則
如魚水矣

才講求法度賢才不用法度不修儉假歲月則幸或
可以無他曠日持久則未嘗不終於大亂伏惟皇帝
陛下有恭儉之德有聰明睿智之才有仁民愛物之
意然享國日久矣此誠當惻怛憂天下而以晉梁唐
三帝爲戒之時以臣所見方今朝廷之位未可謂能
得賢才政事所施未可謂能合法度官亂於上民貧
於下風俗日以薄才力日以困窮而陛下高居深拱
未嘗有詢考講求之意此臣所以竊爲陛下計而不
能無慨然者也夫因循苟且逸豫而無爲可以僥倖

王文

入卷二

一七

一時而不可以曠日持久晉梁唐三帝者不知慮此
故災稔禍變生於一時則雖欲復詢考講求以自救
而已無所及矣以古準今則天下安危治亂尚可以
有爲有爲之時莫急於今日過今日則臣恐亦有無
所及之悔矣然則以至誠詢考而衆建賢才以至誠
講求而大明法度陛下今日其可以不汲汲乎書曰
若藥不瞑眩厥疾弗瘳臣願陛下以終身之狠疾爲
憂而不以一日之瞑眩爲苦臣旣蒙陛下採擢使備
從官朝廷治亂安危臣實預其榮辱此臣所以不敢

避進越之罪而忘盡規之義伏惟陛下深思臣言以
自警戒則天下幸甚

王文

八卷二

一八

自警戒則天下幸甚

避進越之罪而忘盡規之義伏惟陛下深思臣言以

荆公於清要之選每每固辭至於八九予體
錄此首與辭同脩起居注之二以見公之難
進之慨云

右臣今月二十二日准中書差人資到勅牒一道除
臣集賢校理聞命震怖不知所伏念臣頃者再蒙
聖恩召試臣以先臣未葬二妹當嫁家貧口衆難住
京師乞且終滿外任比蒙矜允獲畢所圖而門衰祚
薄祖母二兄一嫂相繼喪亡奉養婚嫁葬送之窘比

王文

八卷二

九

於向時爲甚所以今茲纔至闕下卽乞除一在外差
遣不願就試以臣疵賤謬蒙拔擢至於館閣之選豈
非素願所榮然而不願就試正以舊制入館則當供
職一年臣方甚貧勢不可處此臣所以不敢避干譽
朝廷之臯而苟欲就其營養之私不圖朝廷不加考
試有此除授臣若避犯命之罰受而不能自列則是
臣前所乞爲以私養要君而誤陛下以無名加寵也
又聞朝廷特與推恩不候一年卽與在外差遣且一
年供職乃是朝廷舊制臣以何名敢當此恩而累朝

廷隳廢久行公共之法又見新制近臣薦舉官行非
條詔指揮不得用例施行令出已來未能十日今臣
有此除授乃因近臣薦舉不加考試又非條詔指揮
臣雖不肖獨何敢冒過分之寵而以身為廢法之首
乎伏望聖慈察臣本意從臣私欲追還所授特與除
在外合入差遣則使公義不虧于上私行不失于下
臣不任激切祈恩待報之至所有勅牒臣不敢受謹
具狀奏聞

王文

八卷二

三

宋大家王文公文抄卷之二

宋大家王文公文抄卷之三

荆公結知神宗於表箋所止多饒畫感動處子

表啓

荆公結知神宗於表箋所止多饒畫感動處子

故於集內多錄凡三十五首

除叅知政事謝表

承弼之任賢智所難顧惟快然何以堪此仰膺成命

弗獲固辭

中謝

竊以古先哲王考慎厥輔皆有一德

用成衆功伏惟皇帝陛下含獨見之明踐久安之運

王文

卷三

甫終諒闇將大施爲宜得偉人與圖庶政如臣者徒

以承學粗知義方本無他長可備官使退安私室自

絕榮塗旣負采薪之憂因迓竊位之責大明繼燭正

路宏開付以蕃宣還之侍從清閒之宴或賜開延淺

陋所聞每蒙知獎以爲奉令承教庶幾無尤至於當

軸處中良非所稱寵光曲被震媿交懷此蓋伏遇皇

帝陛下德懋旁求志存遠舉隆寬盡下故忠良有以

輸心公聽並觀故諛慝不能肆志矧睿謀之天縱方

聖治之日躋思稱所蒙敢忘自竭遠猷經國雖或媿

於前修直道事君期不隳於素守 臣無任云云

臣某言伏奉恩命特授金紫光祿大夫行尚書禮部
侍郎同中書門下平章事監修國史上柱國並封開
國公加食邑一千戶實封四百戶仍賜推恩詔謀佐
皇元業批荅不允乃拜表



王文

八卷三

二

處中良非所稱寵光曲被震媿爰懷此器伏懇皇
帝陛下德懋旁求志存遠舉隆寬益下故忠良有以
傾心公聽並觀故諛慝不能肆志知庸謀之天縱方
於前修直道事君期不隳於素守 臣無任云云

除平章事監修國史謝表

臣某言伏奉恩命特授金紫光祿大夫行尚書禮部
侍郎同中書門下平章事監修國史上柱國進封開
國公加食邑一千戶實封四百戶仍賜推忠協謀佐
理功臣尋具表陳免蒙批荅不允仍斷來章者揚于
大庭寵以高位歸之翊戴之重諉之宰制之平聖心
方慎於旁求小已知難於上稱

中謝

臣聞人君代天

而理物人臣資父以事君然而君臣之大義有方非
若父子之至恩無間須倡而後和則誠意每患於難

王文

卷三

三

道不入而後量則忠力或嫌於自獻唯成湯之聽伊
尹與傳說之遇高宗皆以疏遠而相求何其親厚之
獨至蓋所趨非由於二道故所爲若出於一身夫豈
于越夷貉之異心是謂元首股肱之同體二臣旣以
此獲展事君之義兩君亦以此得成理物之功苟非

要上並
之心可

其人孰與於此臣受材單寡逢運休明初涉獵於藝
文稍扳緣於祿仕曩塵近侍積媿空餐悲遽隔於庭
闈分長依於丘隴俄值纂承之慶繼叨收召之榮責
以論經尚少知於訓詁使之與政曾莫助於猷爲矧

觀文殿學士知江寧府謝上表

文有典刑

臣某言伏奉制命授臣觀文殿學士吏部尚書知江寧軍府事臣已於六月十五日到任訖久妨賢路上負聖時苟逃放殛之刑更濫褒揚之典逸其大馬將蓋之方寵以丘墓所寄之邦仰荷恩私皆踰分願謝臣操行不足以悅衆學術不足以趣時獨知義命之安敢望功名之會值遭典運總領繁穢惟睿廣之日躋願卑凡而坐困秋水方至因知海若之難窮大

玉文

卷三

五

明既升豈宜燭火之弗熄加以精力耗於事爲之衆罪戾積於歲月之多雖情含垢之寬終懷覆餗之懼伏蒙陛下志存善貸爲在曲成記其事國之微誠閔其顛天之至懇撓黜幽之常法示從欲之至仁經體贊元廢任莫追於既往承流宣化收功尚冀於方來

寧軍府事臣已於六月十五日到任訖久妨賢路上

負聖時苟逃放殛之刑更濫褒揚之典逸其大馬將

文有典刑

觀文殿學士知江寧府謝上表

除平章事昭文館大學士許表

荆公奮勵可掬

臣某言伏奉制命特授臣同中書門下平章事昭文館大學士兼譯經潤文使加食邑一千戶食實封四百戶仍改賜推忠協謀同德佐理功臣尋具表陳免蒙降批答不允仍斷來章者承流宣化方虞夫職之誅經體贊元更悞選賢之舉

中謝

臣竊惟人物之會

通常寡實以君臣之遇合至難自匪同聲氣之求孰能偕功名之享伏惟皇帝陛下天縱大聖人與成能

王文

入卷三

六

以上並荆公
自許本旨

乘百年久安之機飭千歲積壞之蠱士誠服矣而持祿養交之習未殄民允懷矣而樂事勸功之志未純近或長阨而仁義之澤未流遠或虛僞而道德之威未立宜選於衆舉格于皇天之材使暨乃僚續廸我高后之事冀勝所任以濟斯時而臣蚤見知於隱約之中久獨立於傾搖之上勲庸弗効恩禮更加託備外藩俯鄰蕃歲遂叨詔獎還冠宰司自視羈單所懷蹇淺方古耕築則有其陋爲世聘求則無其賢然以投老之軀而遭難值之運苟貪歲月趣就消埃且上

之施旣光則所之報宜厚與之戮力仰承睿知之臨
罔不同心俯賴忠良之協誓殫疏拙圖稱休明

臣某言近具表辭免恩命伏蒙聖慈批答不允者寵
私未慙更加哀勉之恩分義所存敢冒叨命之耻

謝
伏念臣江湖一介特荷聖知帷幄七年再陪國論
久居元輔所以榮耀足垂

王文

八卷三

七

未立宜選於衆舉格于皇天
高后之事冀盼所任以濟斯時而臣蚤見知於隱約
之中久獨立於傾搖之上勲庸弗効忌禮更加託備
外藩俯鄰暮歲遂叨詔獎還冠宰司自視羈單所懷
歸不同心補陳忠貞之謝誓殫疏拙圖稱休明
恭意鴻猷頌王女辨宜與女

辭免使相判江寧府表

得君之寵多危懼

臣某言近具表辭免恩命伏蒙聖慈批答不允者寵私未憇更加衰勉之恩分義所存敢冒叨命之耻

中

謝

伏念臣江湖一介特荷聖知帷幄七年再陪國論

久居亢滿所以深懼災危積致衰疲所以懇辭機要若猶尸將相之厚祿且復殿方面之大邦則是於惡盈之時欲富而弗止以宣力之地養病而自營聖慈雖或優容官謗何由解免伏望皇帝陛下俯垂念聽王文

八卷三

八

特賜矜從使盛世無虛授之嫌孤臣有少安之幸

朱炎傳聖旨令視府事謝表

臣某言三月二日提舉江南路太常丞朱炎傳聖旨
令臣便視府事者使指過臻訓詞俯逮敢圖衰疾尚
誤眷存中謝伏念臣曲荷搜揚久孤付屬有能必獻
未嘗擇事而辭難無力可陳乃始顧天而求俟然方
焦思有為之日以此懷恩未報之身苟營燕安豈免
慙悸伏蒙陛下仁惟求舊義不忘退乃因乘輅將命
之臣更喻推轂授方之意踣履無用誠弗忍於弃捐
朽株匪材尚奚勝於器使永惟獎勵徒誓糜捐

王文

卷三

九

臣某言三月二日提舉江南路太常丞朱炎傳聖旨
令臣便視府事者使指過臻訓詞俯逮敢圖衰疾尚
誤眷存中謝伏念臣曲荷搜揚久孤付屬有能必獻
未嘗擇事而辭難無力可陳乃始顧天而求俟然方
焦思有為之日以此懷恩未報之身苟營燕安豈免
慙悸伏蒙陛下仁惟求舊義不忘退乃因乘輅將命
之臣更喻推轂授方之意踣履無用誠弗忍於弃捐
朽株匪材尚奚勝於器使永惟獎勵徒誓糜捐

差弟安上傳旨令授勅命不須辭免謝表

臣某言伏蒙聖恩差弟安上提點江南東路刑獄以
臣衰疾就令照管仍傳聖旨令臣便授勅命更不須
辭免者江海衰殘雲天悠遠恩言狎至感涕交流

中

謝

伏念臣積荷知憐初無報稱豈圖賤質上簡聖心
數遣中間因外使喻以眷懷之至意慰其憂苦之
餘生惠焉既久而彌加告矣雖頑而未捨乃至召見
同產馳賜十行之書使營私門就捐一路之寄訪逮
織悉矜及隱微追千載之遭逢殆無前比顧百身之

王文

八卷三

糜殞安可仰酬唯當祇聖訓之鴻私豈敢固愚衷之
小諒重念無傷於國體乃爲不負於天慈欲以里居
之安而尸官廩之厚固已犯明義而累食功之實况
復干隆名而長昧利之風至於詞窮雖兢慙於屢黷
可以理奪終冀幸於矜從

竊以

臣某言

臣某言

臣某言

賀南郊禮畢肆赦表

臣某言伏觀今月初五日南郊禮畢大赦天下者精
明條達神睠顧而依懷膏澤川流入歡呼而蹈厲

賀

臣聞語孝之至莫大於配天議禮而輕不足以享

帝能舉釐事實歸聖時恭惟皇帝陛下鴻化已昭康
年屢應奔走籩豆有董正之治宮潔豐粢盛有底慎
之財賦禮成穀且恩浹綵區雖洛誦之休明尚難譬
稱豈兒寬之淺訥能盡揄揚臣夙荷慈憐方嬰衰瘵
望九賓之紳笏獨遠句傳狎百獸於山林猶知率舞

王文

八卷三

十一

臣無任

賀南郊禮畢肆赦表

賀正表

馭正夏時更端周曆體一元而敷惠適與春浮欽諸
福以代新方俾川中賀恭惟皇帝陛下誕昭明德
祇燕孫謀齊七政以當天順五辰而凝績用求協氣
以阜嘉生閱千古之上儀肆三朝之盛會仰同星拱
竦百辟以在庭追效嵩呼極萬年而薦壽臣桑榆晚
景麋鹿並遊進莫與於臚傳退但知於率舞臣無任

王文

八卷三

十二



景... 並遊... 進莫與於臚傳退但知於率舞臣無任
... 以阜嘉生閱千古之上儀肆三朝之盛會仰同星拱
... 祇燕孫謀齊七政以當天順五辰而凝績用求協氣
... 福以代新方俾川中賀恭惟皇帝陛下誕昭明德
... 馭正夏時更端周曆體一元而敷惠適與春浮欽諸

賀正表

賜生日禮物謝表

臣某言伏蒙聖慈特差入內侍省內東頭供奉官
馮宗道傳宣撫問及就府賜臣生日禮物金花銀器
一百兩衣著一百匹衣一對金鍍銀鞍轡一副并纓
複馬二匹湯藥一銀盒御封全者微勞不效僅逃三
典之科厚禮有加尚躡九儀之等中謝臣外叨寄屬
仰誤眷憐已陳考翼之基重負母慈之教追劬勞於
晚節方不自勝惟蕃庶之舊恩終無以稱伏蒙皇帝
陛下更馳膚使曲喻至懷駟駿靈珍琛奇組麗豈下
流之敢及皆前此之所無金厄淑旂多錫誠榮於既
往鈞刀駑馬強扶難冀於將來雖天地弗責其謝生
顧臣于敢忘於致死

王文

八卷三

十三

賜生日禮物謝表

甘師顏傳宣撫問并賜藥謝表

臣某言膚使寵辭載華原隰寶奩珍劑如賁丘園臣

中謝

伏念臣少出衡茅晚陪帷幄德輶寄重才淺知

深但念里居長負丘山之責敢期宸眷尚畱簪履之
矜此蓋伏遇皇帝陛下天憐無疆海函不棄戴難忘
之盛德豈特銘肌撫易盡之餘生唯當結草

王文

八卷三

十四

一 忽對豈特能照慈恩盡之翁坐野當結草

一 伏念益州皇帝陛下天憐無疆海函不棄戴難忘

一 伏念念里居長負丘山之責敢期宸眷尚畱簪履之

中謝

伏念臣少出衡茅晚陪帷幄德輶寄重才淺知

臣某言膚使寵辭載華原隰寶奩珍劑如賁丘園臣

甘師顏傳宣撫問并賜藥謝表

李舜舉賜詔書藥物謝表

中多感動之意

臣某言輟官闈親近之臣臨湖海寬闊之野授之藥
物撫以訓辭尸厚祿而無勞謂當誅絕捐大恩而不
報彌所兢慙臣

中謝

伏念臣本出羈單自甘淪棄晚

由朴學上誤聖知智曾昧於保身忠每懷於許國讒
誣甚巧切憂解免之難危拙更安特荷眷憐之至况
遠迹久孤之地實邇言易聞之時而離明昭晰於隱
微解澤頻繁於踈迹此蓋伏遇皇帝陛下以上仁含

王文

卷三

十五

斥以大智容愚弗使南箕得侈簸揚之狀更令北戶
坐蒙臨照之光蕭然垂盡之病軀沓若橫流之感涕
惟困窮無理猶致命於一餐顧冒昧不貲敢忘懷於
九死

臣某言輟官闈親近之臣臨湖海寬闊之野授之藥物撫以訓辭尸厚祿而無勞謂當誅絕捐大恩而不報彌所兢慙臣

中使撫問謝表

臣某言孤臣疲曳自阻進趨上主慈憐猶加無諭
謝伏念臣晚陪休運特荷異恩橫草無功每恨棄軀
之晚負薪有疾仍慙制祿之優豈謂陛下所總萬機
不忘一物廼因輜軒之出俯逮躋屨之遺仰荷眷私
唯知感涕臣無任

王文

卷三

十六



中使撫問謝表

中使宣醫謝表

臣某言乘衰攬厲敢意浼聞軫舊垂矜曲加寵數卽
馳近御兼飭大醫錫以寶奩實之珍劑創殘再肉顛
眴更蘇沓被慈憐不勝負荷臣叨恩缺報昧祿取災
果崇降以疾殃至上煩於愍惻此蓋伏遇皇帝陛下
屢簪念厚軒轅眷深天弗籲而亦臨雲甫瞻而旣雨
哀逾察父感劇孤臣論可報之涓埃難知稱効願未
填之溝壑徒誓糜捐撫涕洟瀾捫心躑躅

王文

卷三

一七

與文部登第書

與文部察父謝啟

與文部察父謝啟

與文部察父謝啟

與文部察父謝啟

與文部察父謝啟

與文部察父謝啟

中使宣醫謝表

請皇帝御正殿復常膳表二

臣某等言近上表請御正殿復常膳蒙降批答不允者時澤偶愆屢勤齋禱聖衷愈勵曲盡焦勞將損已以召休因退次而貶食列陳劾奏尙闕嗣音在臣列之靡遑伏帝闈而再扣中謝恭惟皇帝陛下體居離

正德稟乾剛期揀俗以致康嘗納隍而輿念七載于此繼獲豐穰一春而來或懼愆亢皇慈深軫羣祀徧修恐徃狂手則親慮其囚懼備黻美則躬變其服仍損內饗之舉兼虛正宁之朝然而禮貴從宜事難泥

王文

八卷三

九

古而况甫臨誕節交舉慶儀有列辟拜萬年之觴有殊俗修兩朝之好苟虧彛制難副羣情少屈淵衷特從誠懇天臨廣廈日御常珍親事法宮廓宣於政治惟辟玉食昭示於等威仰以慰兩宮之慈俯以安羣下之望

乞罷政事表一

臣某言竊以使陪國論惟亮天工必用強明乃能協濟豈容昏瞶可以叨居進冒聰明罄陳危悞

中謝伏

念臣逮侍先帝列官外朝晚以喪歸因爲病廢伏遇皇帝陛下召還辭禁擢豫經筵收於衆惡之中諷以萬機之事構讒誣而並至輒賜辨明推孤拙以直前每蒙開納陛下所以遇臣者可謂厚矣臣之所以報國者終於缺然豈理勢之獨難抑才能之素薄方懼過尤之積乃罹疾疾之加比欲外乞州藩冀以就管

王文

八卷三

三

醫藥重念采薪之弗給尚何守土之敢謀輒緣不能者止之言庶免貪以敗官之悔伏望皇帝陛下曲垂仁惻俯記愚忠賜以分司一官許於江寧居止則天地之德實有施於餘年犬馬之勤冀或輸於異日

皇帝陛下召還辭禁擢豫經筵收於衆惡之中諷以萬機之事構讒誣而並至輒賜辨明推孤拙以直前每蒙開納陛下所以遇臣者可謂厚矣臣之所以報國者終於缺然豈理勢之獨難抑才能之素薄方懼過尤之積乃罹疾疾之加比欲外乞州藩冀以就管

醫藥重念采薪之弗給尚何守土之敢謀輒緣不能者止之言庶免貪以敗官之悔伏望皇帝陛下曲垂仁惻俯記愚忠賜以分司一官許於江寧居止則天地之德實有施於餘年犬馬之勤冀或輸於異日

皇帝陛下召還辭禁擢豫經筵收於衆惡之中諷以萬機之事構讒誣而並至輒賜辨明推孤拙以直前每蒙開納陛下所以遇臣者可謂厚矣臣之所以報國者終於缺然豈理勢之獨難抑才能之素薄方懼過尤之積乃罹疾疾之加比欲外乞州藩冀以就管

醫藥重念采薪之弗給尚何守土之敢謀輒緣不能者止之言庶免貪以敗官之悔伏望皇帝陛下曲垂仁惻俯記愚忠賜以分司一官許於江寧居止則天地之德實有施於餘年犬馬之勤冀或輸於異日

乞罷政事表一

乞罷政事表二

臣某言近具表乞罷政事分司伏奉手詔封還不允
所乞者私懷懇至已具布聞聖訓丁寧未蒙開納敢
冒崇高之聽再輸悃悞之情

中謝

臣聞任賢之方要

其有用陳力之義止於不能苟弗集於事功且重懼
於疾疾豈容叨據以累明楊伏念臣猥以孤生親逢
盛世昧於量已志欲補於休明失在信書事浸成於
迂濶每煩衆論上恩聖聰久知素願之難諧繼以積
痾而自困辭而去位庶逃竊食之誅勉以就工重荷

王文

八卷三

三

包荒之德雖貪順命終懼妨功伏望皇帝陛下閱度
并容大明俯燭特垂矜允俾遂退藏如此則孤進之
身獲全生於未路具瞻之地得收命於時材臣無任

列亦自知
憂懼固臣之

乞出表一

臣某言竊以丞相之職天子是毗方當圖政之憂勤
 難以養痾而味冒輒輸情素仰丐恩憐中謝臣叨被
 鴻私誤尸榮祿堯仁天覆幸荒穢之兼包湯聖日躋
 顧卑凡而自絕尚惟許國姑誓忘軀豈意眩昏甫新
 年而寢劇更知驚蹇難重任之久堪伏惟皇帝陛下
 明燭隱微惠綏羈抽閑其積痰收還上宰之印章賜
 以餘年歸展先臣之丘壟生當擊壤以詠矜容之德
 王文
 八卷三
 三

死當結草以酬舍育之恩
 臣某言竊以丞相之職天子是毗方當圖政之憂勤
 難以養痾而味冒輒輸情素仰丐恩憐中謝臣叨被
 鴻私誤尸榮祿堯仁天覆幸荒穢之兼包湯聖日躋
 顧卑凡而自絕尚惟許國姑誓忘軀豈意眩昏甫新
 年而寢劇更知驚蹇難重任之久堪伏惟皇帝陛下
 明燭隱微惠綏羈抽閑其積痰收還上宰之印章賜
 以餘年歸展先臣之丘壟生當擊壤以詠矜容之德
 王文
 八卷三
 三

乞出表一

此表因缺而乞

乞出表二

臣某言今月十一日輒輸情素仰丐恩憐實以抱疾之深難於竊位之久過蒙敦獎未賜矜從事有迫於懇誠理必祈於哀惻中謝臣信書自守與俗多違審容膝之易安因忘擇地知戴盆之難望遂廢占天豈圖憂患之餘更值清明之始寒之之日長而暴之之日短植之之人寡而拔之之人多尚誤聖知驟妨賢路摩頂放踵雖願効於微勞以較負山顧難勝於重任矧復瞽昏而曠事若猶冒昧以尸官是乃明憲之所不容豈特煩言之爲可畏伏惟皇帝陛下天地覆載日月照臨賜以曲成容其少愒區區旅力或未愆於餘年斷斷小能冀尚施於異日

王文

八卷三

三三

乞退表二

臣某言近具表乞解機務伏奉手詔未賜允者聖恩所及有隆天重地之施私義未安有深淵薄冰之懼中謝竊惟成湯高宗之世有若伊尹傅說之臣其

道則格于帝而無疑其政則加乎民而有變后惟時又相亦有終迨乎中世之陵夷非復古人之髣髴忠或不足以取信而事事至於自明義或不足以勝姦而人人與之爲敵以此乘權而久處孰能持祿以少安此臣之慮危於居寵之時而昧死有均勞之乞况

王文

八卷三

三五

於抱病浸以瘵官伏惟陛下道與日躋德侔乾覆哀一夫之失所樂萬物之皆昌矧夫眷遇之優旣已勤劬之久宜蒙善貸使獲曲全賜其疲賤之身假以安閒之地則敝車無用猶可具於勞薪棄席未忘或再施於華幄

謝

高宗之世有若伊尹傅說之臣其

恩所及有隆天重地之施私義未安有深淵薄冰之懼

竊惟成湯高宗之世有若伊尹傅說之臣其

乞退表三

此首別加慷慨奮勵矣

臣某言伏奉聖旨令臣入見赴中書供職者螻蟻微誠屢關省覽天地大德未賜矜從

中謝

臣聞周之士

也貴秦之士也賤周之士也肆秦之士也拘其縱之爲貴其拘之爲賤故尚勢利而忘善惡貴故尊行義而矜廉耻士知尊行義而矜廉耻宗廟社稷之安而天下自治也伏惟陛下言必稽堯舜動必憲文武故視遇天下之士欲其貴不欲其賤欲其肆不欲其

王文

卷三

十六

拘臣以羈孤旁無欣助一言寤意特見甄收適遭欲治之盛時實預扶衰之大義事或乖於衆口而陛下力賜辯明言有逆於聖心而陛下常垂聽納此臣所以_屢艱虞而不敢服勤苦而不辭雖百度搶攘未就

平成之叙然四年黽勉非無夙夜之勞今特以心氣

之衰疲目力之昏耗哀祈外補冀幸小休而乾剛確

然莫可回奪則是親值周家之忠厚獨爲秦士之賤

拘事與願違能無竊歎理當情恕豈免上煩實望聖

慈俯昭愚款外賜優閑之地少安疾疢之身須其有

廖乃責外効臣生當捐軀以報德死當結草以酬恩

臣某言疏榮特異敢忘圖報之忠陳力弗能當存存

解之義中謝伏念臣晚陪典運久汗近司憲異弗逮

於清光衰疾更成於瘵曠荷免大訶之責乃叨異數

之加授以戎旂班之宰席松楸舊國實便鎮臨肅神

殘年足為榮望臣某言

之將或或難及

而相之在外

臣某言

王文

八卷三

三七



成之叙然四年黽勉非無夙夜之勞今特以心氣

之衰疲目力之昏耗哀祈外補與幸小休而乾剛確

然莫可回奪則是親值周家之忠厚獨為秦士之賤

何事與願違能無竊歎理當情恕豈免上所實望聖

恩代責收校留坐當辭謝以辨誠恐臣某言

臣某言

乞宮觀表一

臣某言疏榮特異敢忘圖報之忠陳力弗能當布可辭之義

中謝

伏念臣晚陪典運久汗近司憲愚弗逮

於清光衰疾更成於瘵曠苟免大訶之責乃叨異數之加授以戎旃班之宰席松楸舊國實便鎮臨蒲柳殘年足爲榮耀顧在宣化承流之地方當循名責實之時疲曳難支顛隤可畏仰祈睿眷俯徇愚衷并解將相之官外除宮觀之任託依田里瞻守丘墳倘憑休養之私終獲夷瘳之福敢忘策勵復誓糜捐臣無

王文

人卷三

二十六

任次

人卷三

任次

任次

人卷三

任次

任次

人卷三

任次

任次

人卷三

任次

任次

人卷三

任次

任次

人卷三

任次

任次

人卷三

任次

任次

人卷三

任次

任次

人卷三

任次

乞宮觀表二

臣某言近具表乞以本宮外除一宮觀差遣伏蒙聖
慈特降中使賜臣詔書不允者天地至恩實知難報
螻蟻微息尚竊有懷輒冒隆威更輸危悃伏念臣遭
逢異甚稱効蔑如苟旅方之可陳豈餘生之足惜顧
以憂傷而至弊重為疾疾之所撓偷假便州必負曠
瘵之責過尸厚祿更懷叨昧之慙伏望陛下本末燭
知始終護念俯徇籲天之懇俾無累國之尤尚冀寧
瘳誓終糜殞

王文

卷二

二十九

乞宮觀表二

手詔令視事謝表

中多感悟主上之言

臣某言伏蒙宣示言者所奏輒具劄子乞博延公議
改用賢人伏奉詔獎勵令視事如故者謗議升聞已
賴舜聰之豁達懇誠上訴更煩周誥之丁寧竊以作
威者主之權待察者臣之禮蓋雖蒙非常之厚遇亦
將避可畏之煩言臣志尚非高才能無異舊惟所學
之迂闊難以趨時因欲自屏於寬閑庶幾求志惟聖
人之時不可失而君子之義必有行故當陛下卽政
王文
之初輒慕昔賢際可之仕越從鄉郡歸直禁林或因
勸講而賜畱或以論思而請對愚忠偶合卽知素願
之獲申睿聖日躋更懼淺聞之難副重叨殊獎忝乘
洪鈞所宜引分以固辭乃敢冒思而輕就實恃明主
知臣之有素故以孤身許國而無疑人習玩於久安
吏循緣於積弊竅言不忌誠行無慙論善俗之方始
欲徐徐而變革思愛日之義又將汲汲於施爲以物
役已則神志有交戰之勞以道徇衆則事功無必成
之望恐上辜於眷屬誠竊幸於退藏猶貪仰附於末

光亦冀粗成於薄効比聞獨斷謂合僉言但輸承命
之忠遂觸招權之毀因請避衆賢之路庶以厭異議
之人伏蒙皇帝陛下敦大兼容清明旁燭賜之神翰
諭以至懷君臣之時嘗千載而難值天地之造豈一
身之可酬敢不自忘形迹之嫌庶協神明之運臣無
任

王文

八卷三

三三

其文可謂遠不自京汴汲文兼無礙收因文張胡濂
備以主對恭用文神嘗手其而樂於天極文豈豈
文入於燕皇帝聖下其大兼容前用象獸眼文輔
文忠致陳辭對文聖因請避衆賢之舉以厭異議
光亦冀粗成於薄効比聞獨斷謂合僉言但輸承命

詔以所居園屋爲僧寺及賜寺額謝表

公之捨廬爲寺亦其鉤奇釣詭處

臣某言基迹叢祠冀鴻延於萬壽錫名扁榜竊榮遇於一時臣生乏寸長世叨殊獎賤息奄先於犬馬頹齡俯迫於桑榆獨念親逢莫有涓埃之補報永惟宏願豈忘香火之因緣伏望皇帝陛下俯徇祈誠特加美稱所懼封人之祝終以堯辭乃塵長者之園遽如舜許仰憑護念誓畢熏修臣無任

王文

八卷三

三十三

我昔叨恩對合誓畢熏修臣無任

美稱所懼封人之祝終以堯辭乃塵長者之園遽如

舜許仰憑護念誓畢熏修臣無任

願豈忘香火之因緣伏望皇帝陛下俯徇祈誠特加

美稱所懼封人之祝終以堯辭乃塵長者之園遽如

舜許仰憑護念誓畢熏修臣無任

公之捨廬爲寺亦其鉤奇釣詭處

請以所居園屋爲僧寺及賜寺額謝表

依所乞私田克蔣山太平興國寺常住謝表

臣某言緣恩昧冒方虞恩上之誅加意昇矜遂竊終天之幸伏念臣少嘗墜阨晚悞褒崇榮祿雖多不逮養親之日餘年向盡更爲哭子之人追營香火之緣仰賴金縉之賜尚復祈恩而不已乃將徵福於無窮伏蒙陛下眷遇一於初終愛恤兼存沒特撓常法俯成私求雖老矣無能莫稱滂泉之施若死而未泯豈忘結草之酬臣無任

王文

八卷三

三四

百寮賀復熙河路表

覽子瞻所代張方平諫用兵書則多涕洟覽
荆公賀表又多矜奮

臣某等言伏覩修復熙河洮泯疊宕等州幅員二千
餘里斬獲不順蕃部一萬九千餘人招撫大小蕃族
三十餘萬各降附者奮張天兵開斥王土旌旆所指
燕及氐羌樓櫓相望誕彌河隴中賀竊以三年鬼方
之伐高宗所以濟時六月玃仇之征宣王所以復古
政由人舉道與世升伏惟皇帝陛下溫恭而文睿知

王文

八卷三

三五

以武講周唐之百度拔方虎於一言我陵我阿旣飭
膺揚之旅實墉實壑遂平鳥窠之戎用夏變夷以今
準古是基新命厥邁往圖臣等均被明恩具膺榮祿
接千歲之統適遭會於斯時上萬年之觴敢愆忘於
故事

百寮賀表

百寮賀表

除雱正言待制謝表

臣某言伏奉聖恩除臣男雱右正言天章閣待制兼侍講特降中使宣諭令便受告勅不須辭免者孚號明恩實由中出美官要職弗以次加知榮耀之及私顧僭差而累國雲天在望冰炭交懷

中謝

臣出於羈

窮好是拙直道常違俗宜芻狗之致妖才不逮人何藿蠲之能化皇帝陛下收之末路付以繁機距滔天之衆讒責經世之來效施及賤息度越稠人延登朝行使嗣講業方仰陪於膝席俄中廢於髡瘍雖進趨

三

卷三

三十六

之禮久妨而問勞之恩狎至莫知報稱但負兢慙豈意眷憐更加超擢待制之爲職以陪侍禁嚴正言之爲官以諫救遺失承金華之舊學親玉色於燕朝併叨殊私甚駭羣聽此益伏遇皇帝陛下攬取同智無小大之遺搜揚衆材無久近之間苟或不肖槩嘗有聞必垂甄收以示勸獎四方之訓于我無競維人多士之生斯時不顯亦世永惟遭值孰與等夷君臣以事道相求是惟希世父子以傳經見用鮮或同時雖愧臯陶濟美之材敢忘狐突教忠之義

進字說表

非表之四六常體而說字處特備

臣某言竊以書用於世久矣先王立學以教之設官以達之置使以喻之禁誅亂名豈苟然哉凡以同道德之歸一名法之守而已道衰以隱官失學廢循而發之實在聖時豈臣愚懂敢逮斯事

中謝

蓋聞物生

而有情情發而爲聲聲以類合皆足相知人聲爲言述以爲字字雖人之所制本實出於自然鳳鳥有文河圖有畫非人爲也人則效此故上下內外初終前

王文

卷三

三十七

後中偏左右自然之位也衡表曲直耦重交析反缺倒反自然之形也發歛呼吸抑揚合散虛實清濁自然之聲也可視而知可聽而思自然之義也以義自然故僊聖所宅雖殊方域言音乖離點畫不同譯而適之其義一也道有升降文物隨之時變事異書名或改原出要歸亦無二焉乃若知之所不能與思之所不能至則雖非卽此而可證亦非捨此而能學蓋唯天下之至神爲能究此伏惟皇帝陛下體元用妙該極象數稽古辦法紹天覺民乃惟茲學隕缺弗

因任衆智微明顯隱蓋將以祈合乎神惰者布之海
內衆妙所寄窮之實難而臣頃御燕閒親承訓勅袍
衾有憂久無所成雖嘗有獻大懼冒流退復自力用
忘疾憊咨訊討論博盡所疑冀或涓塵有助深崇謹
勅成字說二十四卷隨表上進

王文

卷三

三八



博苑字類二十四卷隨表上進
武成禮容昭穆論對盡凡錄漢史東漢齊梁宗鑑
內衆妙所寄窮之實難而臣頃御燕閒親承訓勅袍
衾有憂久無所成雖嘗有獻大懼冒流退復自力用
忘疾憊咨訊討論博盡所疑冀或涓塵有助深崇謹
勅成字說二十四卷隨表上進

除知制誥謝表

臣某言今月初二日伏蒙聖恩賜臣誥勅除臣知制誥者高華之選欲報常艱固陋之身以榮爲懼

中謝

竊以自昔招智能之士因使爲侍從之官豈特賴其虛名謂能華國蓋將收其實用相與致君矧號令文章之爲難而討論潤色之所寄苟失職不稱則爲時起羞伏惟皇帝陛下躬上聖之姿撫久安之運趣時有收弊之急守器有持盈之難當得俊良使陪遺忘則典司明命出入禁門一有瘕官尤爲累上臣羈單

王文

卷三

三五

賤士樸鄙常人任初有志於養親學遂不專於爲己比更煩使稍竊謬恩內懷尸祿之慙仰負食功之意又蒙採擢以致起踰蓋君之祝臣不使同犬馬之賤則下之報上亦欲致岡陵之崇况臣少習藝文粗知名教遭逢一旦度越衆人唯當盡節於明時豈敢尚懷於私計

陸翰林學士謝表

內多散非表常格而中懷感動主上之言

臣聞人臣之事主患在不知學術而居寵有昧冒之心人主之畜臣患在不察名實而聽言無惻怛之意此有天下國家者所以難於任使而有道德者亦所以難於進取也學士職親地要而以討論諷譏爲官非夫遠足以知先王近足以見當世忠厚篤實廉耻之操足以咨諏而不疑草創潤色文章之才足以付託而無負則在此位爲無以稱如臣不肖涉道未優

王文

卷三

四十

初無犖犖過人之才徒有區區自守之善以至將順建明之大體則或踈闊淺陋而不知加以憂傷疾病久棄里閭辭命之習蕪廢積年黽勉一州已爲忝冒禁林之選豈所堪任伏惟皇帝陛下躬聖德承聖緒於羣臣賢不肖已知考慎而於言也又能虛已以聽之故聰明睿智神武之實已見於行事日月未久而天下翹首企踵以望唐虞成周之太平臣於此時實被收召所以許國義當如何敢不磨礪淬濯已衰之心紬繹溫尋久廢之學上以備顧問之所及下以供

職司之所守公政

典刑之言

大審判府司徒侍中竈辭上案歸榮改鄉兼兩鎮之
節麾備三公之典策貴極富溢而無充溢之累名遂
身逸而有褒加之崇在於觀瞻孰不要義伏惟其直
之天且又自生之

王文

卷三

四



王文卷三

於羣臣賢不肯也知者慎而於言也文能虛已以聽
之故聰明睿智神武之實已見於行事日月未久而
天下翹首企踵以望唐虞成周之太平臣於此時實
被收召所以許國義當如何敢不磨礪澤濯已衰之
輝同文祖中久廢之學上以備顧問之所及下以

賀韓魏公政善世富大有更對不其勉用其

典刑之言判美其人以其實所理亦歸其

伏審判府司徒侍中寵辭上宰歸榮故鄉兼兩鎮之

節麾備三公之典策貴極富溢而無充滿之累各遂

身退而有褒加之崇在於觀瞻孰不慶羨伏惟某官

受天間氣為世元龜誠節表於當時德望冠乎近代

典司密命總攬中權毀譽幾至於萬端夷險常持於

一意故四海以公之用捨一時為國之安危越執鴻

樞遂躋元輔以人才未用為太耻以國本不建為深

王文 八卷三

憂言衆人之所未嘗任大臣之所不敢及臻變故果

有成功英宗以哀疚荒迷慈聖以謙冲退託內揆百

官之衆外當萬事之微國無危疑人以靜一周勃霍

光之於漢能定策而終以致疑姚崇宋璟之於唐善

政理而未嘗遭變記在舊史號為元功未有獨運廟

堂再安社稷弼亮三世救寧四方崛起在諸公之先

煥乎如今日之懿若夫進退之當於義出處之適其

時以彼相方又為特美某久叨庇賴實預既收職在

近臣欲致盡規之義世當大有更懷下比之嫌用自

人所不能思
人所不能言

絕於高閑非敢忘於舊德逃聞新命竊仰遐風瞻望
門闌不任鄉往之至

王文

卷三

四



門闌不任鄉往之至

絕於高閑非敢忘於舊德逃聞新命竊仰遐風瞻望

大上杭州范資政啓

某近遊泖壤久揖孤風當資斧之無容幸曳裾之有
地粹玉之彩開眉宇以照人縉星之文借談端而飾
物羈瑣方嗟於中露逢迎下問於翹材仍以安石之
甥復見牢之之舅茲惟雅故少稔燕閒言旋桑梓之
邦驟感神庥之詠寫吳綾之危思未盡攀瞻憑楚乙
之孤風但傷聞闕恢台貫序虛白調神禱頌之私不
任下懇

王文

卷三

四四

五下懇

宋大家王文公文抄卷之三

